

ex aduerso posita, ad aliquam mediocritatem, præparationis sedulitate, reduci debeant? Sunt autem istiusmodi præparationis duo gradus, Dissolutio & Compositio. Illa dirimit simplex corpus, & in principia constituētia consumit. Hæc solutum iam de integro componit, alio licet, quām prius modo. De vtraq; scorsim statuendum est.

Instituitur DISSOLVITIO facilioris cōpositionis & usus gratia. Cūm enim simplicis corporis diuersæ sint facultates, partes eius inuicem abiunctæ, suas quæq; vires, eò sincerius, quò sunt liberiores, exercēt. Ita vigor Rheibarbari habescit, integro eo perseverante. At si in imo latentes vires, remotis obstaculis, vel sola infusione eliciantur, valentiùs accingit se ad pugnam cum morbosa cauſsa ineundam. Ut verò certius quis eius sit modus perspiciatur, soluendi corporis natura penitus introspiciēda est, quo pacto eam, præter substantialiū partium, vt loquuntur, legitimum con-gressum, accidentium satellitium comitetur: vbi deprehendemus, substantiarum pariter & accidentium solutionem

*Solutio me-
dicamento-
rum duplex.*